

Cai di quaranta.

Cai di quaranta a presso la signoria sono tre, cavati a sorte per man dil prencipe, dil numero di tutti de li 40 civil novissimi; et ivi sentano mesi do in signoria, cussì mesi do al civil di dentro, et poi mesi do al criminal, et mesi do a presso i consieri et la signoria de sora; sono pagati come li 40, *tamen* non è apontati, perchè non hanno ubligation di andar in quarantia criminal a spazzar le cause; pur, volendo, puol andar et ballotar. Ogni matina vanno in colegio, et sempre sentano, et segueno la signoria, zoè li consieri, dove vanno; et con questi cai si chiama *Signoria*. Sentano per etade, uno di una banda, et li altri do da l'altra; vanno vestiti di color; hanno voxe a la banca come i consieri, sì in pregadi qual in gran conseio; et quando manca o vacha qualche consier, per el prencipe a sorte di ditti è cavato vicé consier; el qual, *licet* fusse più zovene cao, senta di sora li altri come consier, et ha auctorità come un consier, excepto in do cosse: in contar ballote, et intrar nel conseio